

四庫全書

集部

欽定四庫全書

桐江續集卷十八

元方回撰

不寐十首

清寒雪夜天欹枕暗燈前總為多思慮常令少睡眠著
書傳後世講學紹先賢老死將無日空閒十二年

辛巳
休官

今壬
辰

孤燈深夜半何乃撫床為道左時難料心方世豈知孰
刊前代史肯作近人詩黯鬼應相笑乾坤一老癡

暮年無寐意燈與影應知誰復名三叛空勞賦五噫今
人難與語來世尚堪期準易揚雄業真成覆瓿為

無寐復無寐自知仍自知少狂今始悔宿疾尚堪醫雪
水消殘酒燈花送好詩元龍湖海氣老矣復何施

世間無限事總不屬閒人必欲伸公論寧如愛老身武
成難盡信泰誓尚非真衛府公問語何哉彼鬼神

夜眠纔合眼即見此諸公骸骨已應朽精神猶自通老

懷常忽忽暮景極忽忽知己恩難報皇天識寸衷

先七叔父

玆元善八叔父瑑元圭魏府卿靜齋克愚陳提刑自堂
杰姊婿汪且齋濟之馬章二丞相深知已者皆卒今僅
餘道山呂
公一人

雪聲無雨聲靜聽到殘更為底常無寐寧當有不平食
多嫌氣濁衾薄覺神清萬古書燈眼心常與共明

涉世形容悴違時嗜好偏偶猶身未死豈為已無眠道
喪文趨刻談高學類禪申生真斃犬望帝竟啼鵲

竺國輪迴說誣民斷勿疑還知已死後即是未生時六
道何憑攷三身故強推反終更原始不寐試深思

細字昏難讀孤燈冷獨挑黃蘗餘口味白豆驗心苗玉
枕方春夢金門正早朝先生唯默坐牕外雨蕭蕭

寄題桐君祠

余守桐江七年解官留居五年凡一紀而後去
猶數往來桐君祠下然未嘗一登所謂小金山
致辨香焉蓋缺典也邑人盤峰居士孫君

潼發

君文甲科進士近郡職曹前朝京局不仕近二
十年會粹桐君山題詠冠以攻媿樓公鐫記文

將刻梓傳永久謂予以桐江名詩文之集而於
桐君忘其所自可乎予於是亦題詩焉然則孫
君之志可知矣其有所感慨也夫其有所健羨
也夫夫不願以姓名傳於世者桐君也姓名曄
然在戊辰登科記而卒能自晦其姓名不仕者
孫君也焉知孫君不嘗見桐君於山中而授其
書乎壬辰歲十二月前郡守紫陽方回

問姓云何但指桐桐孫終古與無窮遙知學出神農氏

獨欠書傳太史公可用有名留世上定應不死在山中
休官老守慙高致政恐猶難立下風

徐制準挽辭

坦似之乃尊

紛紜鐘鼎誤公卿孰與山林保令名不共鵠袍爭舉業
早令熊轡紹詩聲人間倏忽驚興廢物外從容了死生
何限貂蟬無葬地一丘風月自佳城

十二月二十日立春係癸巳歲予年已六十七白
劉唱和有云共把十千沽一斗相看七十欠三年

因此遣興

客途窮極亦陶然，自覺平生媿樂天。
能辨十千沽一斗，何知七十欠三年。
日晴雪路初行處，春到椒盤未頌前。
好念故園小兒女，團圓樂聞早醉花邊。

癸巳元日年六十七

生平矻矻短檠牕，晚節灰心殢酒缸。
百歲三分新過二，十行一目舊無雙。
又驚客枕聽春雨，即合歸舟上浙江。
未必樊遲劣顏子，故應學稼勝為邦。

元日小雨

紅垂燈穗倍常明
緩緩晴須作好晴
着柳春風微有色
催花夜雨細無聲
爐香早起蹒跚拜
杯酒朋來潑灑傾
一日一詩舊年例
新年一日兩詩成

初六日過湖

長於花擔看梅花
不訪山巔問水涯
世換湖光無減少
時來春色與增加
荒榛德祐權臣宅
老樹咸平處士家
一醉第三橋畔酒
佳蔬菜更美魚蝦

放夜

深夜樓前笑語譁禁街鐘鼓暫停撾冶游謔浪非吾事
富足懽娛有幾家春酒可能融鬢雪書燈獨自照梅花

黃柑猶見昇平物四十年前客永嘉

予甲寅年二十八
往溫州訪魏靜齋

留郡塾見乙卯元宵因食
黃柑痰疾今四十年矣

觀燈小酌十四夜半大風而雨

皓月微紅映落霞試呼樽酒答年華柑為天下無雙果
梅是春前第一花自古良辰難得友暫時老子不思家

金史卷之八十八
卷十八
夜深忽作大風雨樂事元來亦未奢

追懷甲戌清明宇文信仲知郡大卿同尤張二倅

過予小園賞花

子朋藻果

甲戌清明鬢未翁

予時年四十八

邦君過我小園中牡丹初喜

開千朶却火何知付一空展轉干戈春夢斷淒涼風雨
客途窮九原可作應垂涕今日前時事不同

數日項頰咽腫痛髮中有瘡

有生必死理之常酒到何為不舉觴未問劉伶墳上土

何妨張詠鬢邊蒼叔和解訣行尸脉仲景工言越婢湯
知命吾當謝醫藥服膺參也戰兢章

春寒久病

似覺今年太坎軻春寒無策與降魔斷支酒費貧如故
細讀醫書病更多客夢鄉關心破碎好花時節雨消磨
時人豈識衣冠會清朗蘭亭晉永和

送徐如心如婺源三十韻

怨

之子成春服懽言駕出遊殘紅三月路疊翠萬山州夏

后乘輶澤軒皇煉藥丘曠平初渺莽屈曲漸深幽比縣
干戈偃諸村盜賊收室廬還舊貫邸店競新修蠶月門
多鐫秧田草盡耰畫龍沾肆古檻虎驛程脩天目蟠根
遠王干設險道徑紆橫巨石澗潔見游鯈嶽勢攀衡霍
星文摘斗牛桑麻敦本業笋蕨勝珍羞谷冷長杉密岡
溫早茗抽宣平何處在太白此中求仙墅丹池火僧廬
野竹秋農談通稗史騷詠入樵謳楚雨三江外吳雲五
嶺頭夕陽彭蠡浦潮水淞河流西望番君國東思越相

州孰云民俗儉政爾士風優輿隸知周孔章縫盛魯鄒
聖賢一道續天地四書留闕里瞻庠序師臣拜冕旒永
懷粉梓故能奠藻芹不靈順王封廟華光佛氏樓端能
無鬼責焉所匪神庥矧是儒家彥初非賈客儔詩材工
捃撫意匠極雕鏤佳句垂千古浮榮等一漚吾家紫陽
下肯作寄書郵

三月三日西湖第三橋四首

北曲南歌日日新紅粧不逐落紅春網魚野老何曾覩

豈是心腸木石人

正月橋西賣酒家柳初青眼草初芽重來紅紫隨風雨
猶有野田黃菜花

盡道西湖久寂寥紅欄干落但空橋細思未有蘇隄日
且把閒愁着酒澆

野菽隨宜酒半醺富兒盤饌擁紅裙蘭亭會上無絲竹
芥蒂區區笑右軍

寒熱不調病一月餘

不肯中和按故常
膈痰鼻涕更頭瘍
塵飛泥浣三春盡
熱燠寒僵一月強
乍把酒盃嫌藥氣
屢翻詩卷寫醫方
年年憶得古人語
端午綿衣未可藏

病後夏初雜書近況十首

含桃豌豆喜嘗新
罌粟花邊已送春
豈謂單衣揮扇手
仍為敗絮擁爐身
唾壺甫換痰仍滿
藥貼多誇料不真
火熱冰寒但絕欲
世間疫癘本無神

怯寒重着舊綿裘
已見盆栽坼絳榴
自厭一春常服藥

忽驚半月不梳頭畫評懶與癡兒辨詩序難禁晚進求
帶礪有盟猶未保當時誰識種瓜侯

駸駸七十保餘齡魚眼無眠夜夜醒魂夢不迷神女雨
形容欲似老人星參同契注房中術歸去來辭座右銘

却笑空王太膚淺張皇浪說八師經

朱文公注參同契託曰鄒訢

客樓卧病過花時老態如狂復似癡甚欲不餐煙火食
頗能時賦草茅詩餘生自曉寸闕尺他日誰傳髓骨皮
少許青梅傾斗酒心醒貌醉爾焉知

初掃蠶今欲蠶時無朝無暮雨垂垂漁家長價蓑衣貴
種戶流涎麥飯遲跬步過從難跋涉等閒脫着繫安危
肉芝石髓身中有可向山靈遽朶頤

六年三潦困餘黎

丁亥庚寅壬辰

誰識他年舊浙西靡有子遺

何可忽不知歸去果安之

出入韻

屬方理屋又聞漏垂欲

出門仍畏泥家在窮山亂雲外自慚無策救免飢

今年春夏極窮忙日檢醫書校藥方甫得木瓜治膝腫
又湏荊芥沐頭瘍一生辛苦身多病四至平和脉尚強

壽及龜堂老睦守不難萬首富詩囊

陸放翁又號龜堂平生詩萬首富嘗守

睦

富兒肥馬躍雕鞍同伴何由識木蘭拄杖扶攜元未老
交床隨逐本無官三义路口人心異百尺樓頭客眼寒
黠鬼老狐足妖恠架中間摘舊書看

妙年剛謂世無愁汗漫猖狂萬里游夢裏講經天竺國
醉中橫笛岳陽樓散花女已無蹤矣老樹精今尚在不
咋舌噬臍更揺手顏瓢曾瑟外何求

一切牽纏斷孟勞何金為帶紫為袍老從楊柳櫻桃去
醉肯螟蛉蜾蠃豪共慶龍從乾五會誰工雉食鼎三膏
折胥彭澤不歸去未必東坡肯和陶

有感

玩透羲爻未畫前今時天即古時天回空其庶亦其庶
軻死不傳焉不傳積憤淫傷詩未削暗籌微婉史誰編
繼周百世民彝在豈為興亡有變遷

原道曰軻之死不得其傳然濂洛至

朱文公七君子從祀孔庭乃得其傳則文公之後未可知也顏子惟不仕大夫之家一瓢忍窮以得聖道未可

謂來世無斯人夫子謂其或繼周者百世可知當周之未亡而為此語有興必有亡所不可諱也有物必有則豈以興亡而改哉苟知乎此則近世不平之事文哀詩落淫褻悲傷將不復變而雅乎一代未修之史弑奪專權之大惡權姦官侍戚里女謁相與亡國之大罪將終於不明乎以斯道之不傳而復傳者觀之則有志之君相亦不必熟中扼腕為是遑遑然也噫斯民也三代之所以直道而行也即此意

呈閩子靜廉訪翰學二首

復

先生誰解與傳神
寫向吾詩似亦親
文字老坡真學士
丰姿太白謫仙人
明庭瑞彩陳圭璧
治世奇祥出鳳麟
一道澄清非所浼
湖山暫此岸綸巾

文星炯炯照勾吳草詔金鑾舊老儒

原缺二字

公高北斗

後身白傅到西湖要途未若閒官樂心服

原缺二字

貌敬殊

臭味果能有投合及門豈在急樞趨

送醫工郭耕道

上古三皇軒農義天始有柱地有基腹虛與實療民飢
心塞與開植民彛保民性命專厥司握生殺權名曰醫
萬事萬物有偶奇一陰一陽之所為五運六氣相參差
流行百骸敷四肢河隄蟻竅如針錐榮衛微爽顛不治

沉裏浮表數及遲指下難明審毫釐能肉其骨扶其危
神聖工巧古所推汴梁凱旋并門師代州之郭天下知
半留中原半南移大方脉科三百朞黃金臺邊驛騎馳
大樹古巷傳言絲趣裝北上揚喜眉藥囊香細溫風吹
肘後之祕神護持本草我亦一二窺素問難經手曾披
但於一事似有疑左右心肝腎肺脾女人反此背看之
叔和脉經無此辭託名為訣翻支離尺盛尺弱分兩岐
句拙語俗意有疵舉世附和莫鉗鋌惟晁公武能辨茲

欲攀易牙別澠淄郭侯去矣不可羈丹砂赤箭參朮芝
豕苓雞壘敗鼓皮百發百中謹所施樓護侯鯖勿涎垂
弘景當有還山期贈行聊效黃庭詩

四月十二日飲陸君用見山堂

硯几書床茂樹間花深竹密地寬閒綠陰正是濃時節
遮盡人家只見山

何仁甫作室日生男

國寶

築室肇聞開吉卜弄璋恰喜共良辰千間廣廈連雲起

一顆明珠入掌新撰上梁文焉用我作湯餅客可無人
門閭如此須高大他日能容駟馬輪

送徐似之歸新城

近閩徐二公
為詩贈之

趁潮小緩轉船頭不枉湖山十日留喜得閩徐二學士
為傳佳句過中州

午節

年年節與物相符筍已成竿燕欲雛客裏不知端午近
賣花檐上見菖蒲

送和仲寬壽陽尉

裕洛州人

青衫淝水去亦足慰高年縣以州名壽官於尉號仙戰
場潛鬼火耕野起人煙綵棒無勞設蒲輪下九天

五月初十日病體少甦

仙基一局爛樵柯塵世紛紛夢幻多病起鏡中非復我
愁來酒外更無它逍遙悟解參莊叟矍鑠形容謝伏波
忽省明朝又生日暮年歸計欲如何

是日大雨水漲

三橋北畔清湖水雙塔西邊曉日樓展轉愈知吾事拙
因循復作半年留海風石首隨潮上梅雨航船入市浮
時節不殊榮悴異腐儒盃酒暫忘憂

癸巳生日二首

夜來終日雨如傾曉起樓頭喜漸晴血氣衰微吾道勝
慾心死絕此身生一區宅愧先人業萬首詩垂後世名
蚊喙收聲蛙不吠忽聞鄰柳送啼鶯

道勝之勝用文公
集血氣集註心死

則身生太平廣記神仙
語胡藉溪舉以教學者

倚樓歷歷算行藏
躋阻顛危暗自傷
垂近七旬天所借
孰怜三歲父云亡
嶺南蠱毒千山霧
燕北氍寒六月霜
殿牘郡符皆盡餅
空餘骨痛似金瘡

生日再書

湯餅隨緣和醬醢
六年三潦念民飢
重逢白髮人生日
願見黃梅雨止時
詩好遠過千歲壽
家貧深負五男兒
許身稷契杜陵老
豈謂殘生乃至斯

用五男兒再賦

每於生日賦新詩似覺今年老更癡竊謂齊公千駟馬
豈如陶氏五男兒能拚久客常沉醉不念全家慣忍飢
七十尚爭三屈指挂冠一紀此差奇

贈醫士清溪居士丘通甫

震亨乃父呂兩府文德
客通甫為呂壻吳兵部

日起
客

乃翁挾藝專淮鄉使死者生危不亡遠如扁鵲師長桑
又如近世龐安常所交者誰龍虎驤真李臨淮郭汾陽
軍門出入一藥囊精兵十萬無金瘡參苓硝石雄附薑

補瀉虛實調炎涼晚擇所從邀真揚郗家太尉王東床
有子有子跨竈郎半夜衣傳肘後方清溪居士清名香
心欲識面形參商邇來解后古餘杭其言疊疊慨以慷
七表八裏誰能詳三部九候吾獨臧八十一難聲琅琅
素問靈樞腹為箱望形察色起仆僵馘俘二豎完膏肓
傷寒足脉根膀胱過經七日妖灾穰度彼沒溺君為航
淺學不識空望洋若有人兮雲錦裳飲君一劑壽而康
徐容齋真州服贈君詩篇金玉相貫月夜虹光燄長乾
君一劑未疾愈

坤六合何茫茫生民性命孰翕張惟將惟相惟醫良良
將無人戰卒戕良相無人賢士藏良醫無人彭作殤焉
得萬筆千縑緗屈君著書肩岐黃

次韻徐容齋贈丘通甫

絕如山谷贈初君奇絕新詩妙絕文斥逐三彭精異術
破除二豎奏元勲千莖白雪難重少一匕玄霜幸見分
可惜向來缺參請按摩搬運漫辛勤

梅雨大水

積年梅雨動兼旬咎證源源殆有因狐假虎威饒此輩
鼠穿牛角念吾民涎流白飯難僥倖汗滴青秧浪苦辛
曲許乖龍啖梁燕何如飢溺拯窮人

五月九日甲子至月望庚午大雨水不已十首

夜半觀天象無星定肯晴河流無市沒船勢與樓平未
殺漂搖意仍添颯灑聲人膏飫魚鼈真宰忍忘情

波浪冒原田羣魚不自全返常真足怪行險絕堪憐驟
作乘時快逆成失勢顛兒童拾鰻鱻爭着柳枝穿

陸走無非水樓居併是泥褰裳難跋涉執盖困扶攜國
慮白圭壑城危智伯堤暘烏果安在轉覺漏天低

江南梅子雨騷客古今愁豈意連年夏頻妨庶事秋為
魚民自痛食肉爾何憂衰老那禁得看天獨倚樓

能免堯捐瘠端由稷播艱民生頻不競世故政相關穴
蟻移樓杪田蛙產竈間豐凶卜簷溜半月響潺湲

眼待稻花看青苗浸急湍萬家應慟哭五月更恒寒政
爾千倉足猶云一飯難凶災忽如此容易便平安

蒸清衣巾醯拘攣臂膝頑老身何足恤時事自多艱并
滿歌堪汲船高樹可攀蒼生百萬億性命雨暘間

平地驚胥怒滔天類鯨湮稍低三板水不活百城人已
拚過從絕徒工徒倚頻鵠形無白粲蜂起有黃巾

今日雲霄客何人禹稷思樹高堪避溺稻盡底充飢苦
口非吾事衰軀異昔時東溟容有限細讀后山詩

西湖湖外水洶湧入城流比戶升高閣通衢塞大舟學
洄兒輩喜絕纍老夫憂會見蹄涔涸魚蝦悔浪游

十六日水退雨不已次受益韻二首

暑雨民咨怨由來直匪今濕能蒸病骨滴欲碎歸心積
水連邨郭前途昧淺深雄風楚臺上誰且獨披襟

七年逢四潦苟活至于今每值月離畢難逢木守心江
兼湖共滿憂與恨俱深萬頃青秧沒田家淚濕襟

再用前韻

此事誰知我他年豈料今
慕殘才有眼燈暗欲無心衰
老常為客山林故自深忘形侶
猿鶴可待整冠襟

十七十八日猶雨

浮雲幾萬里白日悶晴暉稍覺波濤縮猶聞點滴微兩
旬捐破扇五月着寒衣老病憂時事高門馬自肥

十九日始晴

今日簷仍滴何人膽不寒曬帆船尚濕掃市路才乾造
化玄機轉生靈死命完傳聞睦東館樓閣付驚湍

次韻受益苦雨二首

乃者黃梅近朝朝以雨書將無作人鮓孰不困河魚近

郡淹城郭連村浸室廬何當與奇術辟穀駕飛車
甘澤闢民命隨時不在多滴穿簷下石爛倒水中荷天
有凶荒歲人無政事科誠心能撫字乖氣轉為和

湖上喜晴

人間塵不到別是一清涼雨足千峰淨風薰百草香陰
森穿茂密汨漈沂深長想見吳中路連天盡綠秧

次韻受益喜晴二首

誰扶一輪日與掃萬重雲水已落數尺田猶收幾分大

釣回叶氣疎網削深文爾飯堪餬口忍為梁上君
高樓曉氣清鐘鼓報新晴乍覩陽烏色頻聞喜鵲聲縱
難期上熟差足慰深耕忍見民窮極唯宜歲事成

次韻閻學士靖軒贈受益山居二首

十里方諸影綠鬟空濛潏潏一窗間天河不洗讀書眼
未可同君上此山

八月濤江五月湖畫圖一見粟生膚君家奄有兩奇觀
更覺天真勝畫圖

十九日甲戌晴己卯晚又雨二首

稍復橋痕舊俄驚礎汗非豈宜真洶湧止可畧霏霰河
伯母流毒雲師幸霽威劣能驅暑氣即願吐晴暉

吳郡傳猶庶嚴灘報可驚田中車水出城上駕船行旅
屋仍篴漏窮欄用盎盛幸而有雷電此雨不難晴

二十五日庚辰連作暴雨即霽

昨日占天色心知有異同甫能湖水綠不合曉霞紅龍
挾滂沱過蠅驚霹靂空斯須即開霽共快楚臺風

贈淳邑風水山人何君

誰保南陽百世阡

平聲

頤別賴每堪怜發丘郎將焉容

禦祿葬王孫幸獲全何所不如園即墨厥今安在像祁

連小詩更舉樊崇事好與慈孫孝子傳

題陳正之蘭亭

晉穆帝永和九年癸丑至今癸巳適九百四十一年

十六迴更癸丑春蘭亭臨本尚如新學書良易人難學

聊喜他鄉見似人

病中夜思

垂及七旬叟行將三伏時歸期秋未定病勢夜尤危眼
困終難寐心明尚可醫陰寒伺陽燠間隙不容絲

次韻金直卿夏夜

樓高夜獨吟鑑古復籌今不競當知命無瑕在養心人
聲鐘後絕天影水中深風檻微涼處時時一正襟

題李提舉心遠軒

壽卿

心遠淵明擬問之悠然身世見山時強名真意元無物
緣底忘言更有詩宇宙襟懷千斛酒王侯勲業一枰碁

古來大隱在朝市可待休官辦菊籬

題張長卿竹梅用蘇黃各二句

西湖處士骨應槁不復龍蛇看揮掃是誰招此斷腸魂
竹外一枝斜更好

六月二十九夜

小閣微涼上閒人半醉中雙明螢度水一向柳拖風委
曲聊隨俗艱難敢諱窮香山吾不逮猶勝杜陵翁

七月初一日早起

太白星初上參旗井鉞連新秋知幾日酷暑極今年足
不能離地心常欲契天水鄉差得稔亢旱念山田

樓夜

危欄空濶上牛斗轉天心為底常無寐頻來故獨臨船
聲終夜靜樓影半河陰詩就忘工拙隨宜莫苦吟

呈趙左丞

仁榮

邇年士夫乏廉稱或以廉稱不稱能無廉且能毅且弘
嗟我有眼見未曾君侯妙年翔鯤鵬橫擊海宇無與朋

孝事其親行有恒移忠於君德日昇胷中朗徹水月澄
筆端變化雲霧蒸患者懷之威者懲內作心膂外股肱
浙右艱食何頻仍六年三潦歲不登勸分之意極哀矜
坐使粒價不敢騰餒腹再果僵復興今秋大稔稻沒塍
長吏於民無弋矰如寒與裘暑與冰老夫昔也霜後鷹
即今僅似癡凍蠅一紀不仕閒如僧少陵日困糴五升
猶此客牕吟孤燈往哉一見賢左丞

觀喪事

悠悠誰到百年身
百萬杭民一聚薪
棺內棺前爭幾許
挽郎自是白鬚人

中秋雨

瘴癘干戈脫此生
一隅畧見舊承平
上元燈火中秋月
但苦人心不肯晴

代次韻聞砧

誰家秋夜搗衣聲
遙憶良人在戍營
野宿貔貅天一角
樹移烏鵲月三更
怨懷想像閨中切
逸韻悠揚枕上清

砧杵催成歲遲暮撫時亦覺壯心驚

送臨安洪行之

幼學

次鮮于伯幾韻

丈夫志四方出戶無萬里馬能縮如蝸鬱鬱久居此于
思今子駿落筆甫友美衮衮一字難何獨賞之子勿謂
貌甚尫力可拔象齒隘哉招海柳詎識子路喜橄欖政
復苦異彼道傍李豈其諫塗開可口不見紀莪莪黃金
臺梯飈凌太紫大川楫方舟明堂棟文梓新豐馬周足
斗酒可以洗

八月二十九日雨霽翫古蘭

積雨不可出五日無鹽醯縱復有雨具出門將告誰茲
辰復何辰明窓漏晴曦我有古猗蘭瓦斛以蒔之舉世
無識者惟有秋蝶知紫穗密匝雪茸紛葳蕤國香襲
衣袖堅坐神自怡微詠韓子操長歌湘纍詞空庖不遑
省聊足忘調飢

九月初四日大風雨近重陽無酒夜成二首

怕見秋深秋又深青燈白髮厭愁霖百年剩幾重陽日

萬事都無一稱心自揣老懷饒感慨可須佳節強登臨
在陳自創哦韓句敢望空罍有濁斟

秋霖欲洗庾公塵不管樓頭客恨新塞鴈又為江左客
菊花曾識晉時人百年虛谷先生老一紀嚴州太守貧
幾向客中度重九苦無佳句荅良辰

倚蘭秋思三首

倚蘭奕葉曉疏晴栩栩秋光小蝶輕
皂翅綉花三五點
庾郎無句畫難成

綠葉枝頭紫粟叢
素花抽雪細茸茸
國香政要枯如腊
旋買離騷置冊中

老子今年忽不貧
價方玉佩有蘭紉
一枝半朶懸衣帶
肯羨胥間大羽人

晚晴

油泥方滑道返照
隔樓明年已如秋
老心猶愛晚晴鼓
刀寧異遇帶索定
徒行倚遍闌干夜
寒砧處處聲

九日汪元卿送酒
亦有相拉者以病
嗽不出


紫蘭黃菊園丁送亦有鄰翁送酒來何忽於斯須煮藥
不然夫豈怯銜盃登高朋友空相覓抱病情懷未易開
過了重陽更堪醉霜天螃蟹小春梅

九月十二日得蟹小酌

莫欺虛谷太淒涼短髮頻搔意自長萬古江山宜晚景
一番宇宙更秋光東籬把菊非塵世左手持螯可醉鄉
二物於吾猶莫逆達人何日不重陽

贈相士王秀溪

不惜佳人國為傾
髑髏頭蓋野狐精
丈夫更有何郎粉
老眼須君業鏡明



桐江續集卷十八

欽定四庫全書

集部

桐江續集卷十九

詳校官中書

臣孫溶

主事

臣

呂雲棟覆勘

總校官庶吉士

臣倉聖脉

校對官典簿

臣劉景岳

謄錄監生

臣何銓

謄錄監生

臣費元震

欽定四庫全書

桐江續集卷十九

元方回撰

松江使君張周卿致泖口蟹四十輩

松江太守今賢侯喜有螃蟹無監州左手持螯右杯酒
文章政事第一流吳田今年十分秋各執稻穗朝厥酋
初生瑣細類蜉蝣既長魁巨肩蝟蟬漁父橫江竹為斷
照夜紛紜燈火亂取之一蟹勝一蟹尖美於團十月半
怒目橫行敢抗虎宜爾就擒墮烹爨黃堂不忍專俊味

遣餉不減錦繡段老夫菜腸久雷鳴忽四十輩來崢嶸
得公宰相三斗鼻吸之醋劉我坡仙一年好景之橙金
臍雪脆手自擘何必牛炙兼羊羹饒拏涎攫快一醉焉
待將糖而彌躁帶糟而微生一詩往謝張夫子莫怪無
厭猶未已內黃侯承津致矣但欠青州從事耳

次張鵬飛解官舊韻

聚斂臣應愧直臣暫閒身似勝官身險夷異路良難測
進退忘懷直任真萬國山河封域廣九天日月照臨新

烏臺鳳沼登耆舊屈指如公幾正人

平心胡祕監誕日

嘉泰四年甲子正月初十

五朝遺老四專城年號凡經十四更八袞即今踰少壯
七人從昔冠耆英凍臆映雪能堅坐泥屐看山只步行
清健如公天下少平心心事十分平

次韻張中白元日

瓣香清曉肅冠紳戶外遙山展翠顰瘦影自憐耽醉叟
歡聲何限喜晴人忽忽節序梅花老袞袞塵埃世事新

自有天來至今日不知芳草幾番春

正月初三日水西寺

不到水西久十年懷夢思重行兵後路暗覓壁間詩僧
出房俱鐫人遊榼自隨隔溪望城郭未覺似春時

次韻方去言用予喜歸韻見寄三首

貢孫字去言
壬戌別院同

榜秋崖
從子

秋高親見老崖來險阻欽寄付一杯萬古懸知名不夜
九泉誰免骨為灰輕鷗熟與風波狎勁栢寧資糞壤栽

却笑諸兒浪生死大都暮落枉朝開

此追懷秋崖先生

筆法君追寶晉齋禪機我媿老蒲鞋嘗僚臺閫相知舊
得友江山到處佳鐵馬塵高頻極目錦鱗音斷豈忘懷

亦思竹底陪溪逸人品終疑未易儕

此為去言金陵嘗臺閫分幕

野鳥呼風金粟堆曲江宮殿委荒苔是非誰辨筆褒貶
鴻燕屢驚春去來偃月人今姦骨朽浣花翁未醉睂開
吟君詩罷登山崦立盡斜陽尚懶迴

慶陸仁重舉男四首

屋

治郡年才半買臣青春天上送麒麟鼎來好事由陰德
曾活澄江十萬人

相門佳氣夜葱葱早已憑熊更夢熊二十此郎作文賦

乃翁仍是黑頭公

仁重年才二十六

昇平重見上元天簫鼓聲中璧月圓惟有高門更多喜

金盤分送洗兒錢

積善懸知慶有餘芝蘭衮衮秀階除紫陽一滴泉源遠

早聘名儒授四書

贈相士戚淳祖

朝匹吳君暮越臣一顰何用訾東隣阿承醜女五噫婦
似勝芋蘿山下人

題前歛令楚君雪梅圖

思義

洛雪一丈凍獨斡誰其排闥驚袁安千載神交兩賢令
寄意愛此英姿寒馬縮龍埋萬木折胷次陽和骨立鐵
紈袴兒曹東風花不耐春寒能耐雪

春寒

燈節蕭條雷後雪花天料峭雨餘霜經旬不出無情緒
恰見鵝兒似酒黃

新晴

女伴新晴喜曬衣老人閒步覽春暉
隔離一樹桃花發初見今年粉蝶飛

贈相士雷月篷

應聲

肯着雙瞳子來看一禿翁短篷君載月孤屋我吟風
錢耳終遺骨松喬竟落空癡人喜甜舌誰悟大槐宮

春寒紀異

今年一何異人日苦連雨甲子復不晴

初九日

吾密識諸

簿燒燈前一夕轟然震雷鼓醉卧初未聞過駭雪霰舞
乍暄汗膚爛條凍厓脊僂造物謔百昌摩手遽斫斧侵
尋二月初野桃半吞吐嚴霜甚臘天挫使顏色沮日昏
盪黑子天暗墮黃土占讖或未習灾青亦可覩有客言
近縣癘鬼肆虐侮槌撞體肢軟顛棘喉咽楚一家朝團
樂暮輒踣四五上丁祭孔廟儒冠列如堵鼻壅背肩縮

咯唾滿廊廡閒居乏薪炭畏風緊扃戶病輕勿輟醫芎
芷自煎煮橫縱亂方書疊重着褐裋向來佳氣和藜杖
涉園渚掃涸訶新泉搜枯攬幽莽融澌跳鮒鯁潤壤泄
鼃鼃謂即挈蠻榼所至品村酤此意未獲騁義戟已見
拒遙遙鶯花饒惴惴蠶麥腐身患能有幾時憂卒難數
乾坤亦大矣一喙其何補小待春事深汎墓宴別墅

夜聞訓狐

十載離鄉邑言歸理舊鋤僅憐空宅在半駭近隣無古

廟叢枯木寒宵吠訓狐
兵餘有乖氣春色亦荒蕪

行園僧約同飲

晴向小園窺今朝忽有詩
乳鵝散菜葉躍鵲顫花枝
春氣寒終暖愁人老更衰
醉僧約同飲徇俗未容辭

櫻桃花

自梅既謝久缺花詩今隨小園所有花賦之非所有者不為前冬後夏者亦不為凡

得二十

四首

淺淺花開料峭風
苦無妖色畫難工
十分不肯精神露
留與他時着子紅

海棠花

錦城春色萬人迷
飯顆無心著品題
實不如華謾穠艷
秋霜誰覩海棠梨

薺菜花

鬪草吳王眩越娃
終然輸與老陶家
雪挑霜煮春無盡
不似吾園薺菜花

青菜花

只供寒士飽詩腸
不伴佳人上繡床
黃蝶似花花似蝶

柴門春盡滿田香

早桃花

劉郎異種出天台
雪裏天天解早開
鄰舍覓花聊折送
祇應遙認是紅梅

千葉桃花

此亦桃花彼亦桃
成蹊各各綻春苞
一朝開出紅千葉
何啻高才十倍曹

二色桃花

阮郎溪上醉腮融
驀忽深紅又淺紅
料得金閨描繡樣
一花成換幾針茸

碧桃花

一種玄都舊種花
誰將縞雪換蒸霞
羣仙醉啖瑤池菓
況核曾封白玉砂

李花

世言桃李瓜李予謂李當在桃
瓜之上花白勝紅子沉勝浮也

仙根判耦得無差
春對夭桃夏對瓜
此豈輕浮閒果子
白花亦復勝紅花

梨花

仙姿白雪帔青霞
月淡春濃意不邪
天上嫦娥人未識
料應清雅似梨花

雪條花

槁若叢著未見妍
一條一條雪半春
天醉鞍把翫歸來晚
蒲市人驚玉馬鞭

紫荊花

踈枝堅瘦骨為皮
忽迸紅英簇紫蕤
嬌女乍看齒生液

分明茜糝綴錫枝

山茶花

石楠巖桂萬年枝
方駕分花占四時
犀甲鶴頭傲霜雪
入春猶見歲寒姿

月月紅花

十二循環換律筒
芳葩長是笑春風
山家不識堯蓂莢
日歷聊憑月月紅

楊花

燕忙鶯懶聽芳詞
憶醉西湖畫舫時
山墅不知春早晚
隔牆數點墮書帷

桐花

悵惜年光怨子規
王孫見事一何遲
等閒春過三分二
憑仗桐花報與知

蘭花

雪盡深林出異芬
枯松槁榦亂紛紛
此中恐是蘭花處
未許行人着意聞

蕙花

藥辨君臣醫或誤花旌王后俗徒奢早蘭晚蕙真兄弟
我與二難分等差

黃薔薇花

春工借露染鶯裳欲學東籬一樣黃輸與菊花在何處
止禁晴暖不禁霜

紅薔薇花

月桂金沙各鬪春薔薇紅透更精神雖然面似佳人笑

滿體鋒鋇解刺人

酴醾花

未用爐薰燃篤耨何須粉面佐娉婷
通宵痛飲此花下
露滴杯中酒更醒

木香花

海南藥物木香重何似鬕鬆高架花
春晚日長香滿院
天教富貴屬詩家

袞繡毬花

舞姬初試薄羅衣
趁蝶隨蜂玩午暉
各折一枝入深院
懽聲贏得繡毬歸

芍藥花

眼中不復見姚黃
從古揚州亞洛陽
何止中郎虎賁似
政堪花相相花王

修石山

土山未甚正有石
亦頗欹方矩一再度
夙具錘與箕晨興
命工徒將一大治之
掃礫斫枯枿擁泥護
芳蕓春雷

已驚蟄猶以寒自疑蚯蚓縮未動蝦蟇僵如癡此役彼
不安慈憫其忍為復有蜈蚣蝎壤發難迅馳僕夫聽使
去挺杵肯遽施至所謂蛇者衆怒爭剪夷赤練稍宛轉
碎首忽若糜人跡不至處擲出園外籬天地主生育乳
孕無窮期何土草不茂何水魚不滋毒莖及淫蕑賦物
曷至茲崢嶸不能畝蝸蟻千萬斯兇惡如此輩均受享
毒私理有不可曉顏跖同世時間居理花藥娛心聊自
怡小小事興作蟲豸關安危何況大騷動瘡痍良可知

誅惡亦一快感慨因成詩

所聞

荷鍤除園棘鄰翁誦所聞
花開爭共折草長竟誰耘
薪赭近郊樹畬燒無主墳
問言何至此軍馬日紛紛

治圃雜書二十首

天地一閒人園林數畝春
認苗諳藥性養菓護花身
社友同疏飯鄰兒笑野巾
空庭維老馬不出動經旬

汲水洗青石寘之盛酒樽
身閒宜獨坐手冷喜時捫
曉

露黏花片春苔蝕浪痕從吾已安穩不復動雲根

閉戶全無事窺園頗自由不堪簪紙尾乍可把鋤頭避
樹斜開徑邀泉曲放溝吾心元自直兒輩勿相尤

林間一磐石壺酒玩春暉混沌本無竅桔槔焉用機亂
花紅雪舞遠岫翠屏圍車馬紛紛者能知此似稀

燈花昨夜饒喜事集今朝新立蒲萄架初嘗枸杞苗天
清詩眼豁春暖酒痰消更復得奇石數峰昂碧霄

胷中書萬卷老去與誰論不善謀人國猶堪灌我園草

長門晝掩鵲下土新翻物理閒推測天機未易言

花有如罌粟能同橘不遷茄藤宜硬地豆莢惡肥田元

勰齊民術夷吾土物篇園丁初未讀口訣自相傳

罌粟移即

不活茄須於硬地穴以種羊角諸豆必瘦地乃結園丁見告如此它尚多

十載前初種酴醾間木香對花猶綠髮攜酒有黃堂忽
起風雲陣幾成鹿豕場少陵憶嚴尹非復舊春光

萬山山頂郡城郭欠陂池灘落動千丈井深非一施養

魚埋巨甕澆菜緝脩廩塞淺仍辛苦逍遙意自知

一施七尺

事見管子地員

新年雨雪頻五戊又踰旬寒更過於臘晴猶不似春燕
瘖甘再蟄花瘦黯無神賣樹翁來說村多疫死人

今日春纔煖侵晨董蒔耘禽聲眠欲覺花氣夢先聞樹
絡蜘蛛縷泥鏤胸臆紋乾坤無晝夜生意自芸芸

胸音
蠢臆

音忍
蚯蚓也

岑寂觀羣動春容領衆香三椽容卧起一鉢共行藏俗
眼榮朝槿頑軀敵閨楊皮枯面顰黑心鏡皎如霜

真山馬用假山假意還真巨石起奇士幽蘭延故人雲
生如望嶽地僻不爭春圖畫傳京洛應多欲問津

山甌饋私米春瓶災草茶無能賡喜起自愛押車斜老
不貪仙藥貧猶種好花人間十萬戶難得一詩家

猿鶴閒朋友知予近况無春遊靴露拍夜讀燭燃鬚醉
苦鄰僧強飢從小僕逋山農來賣笋與米當青蚨

破袖通閑手危欄寄遠心品花嚴位置枚笋遴監臨鼎
鼐生無望戈鋌老不任唯應宰斯谷歲歲長清陰

徑捷人蹤雜墻頽地畵斜織籬呼野老烹茗諭鄰家舊
六通羊豕新畦隔芋瓜尚當分汝菓幸勿竊予花

遠石疑堪取層崖試共登偶遊梵王舍略話祖師燈怪

象撐獐盼殘碑榻壞稜世間何不有巢賊亦齋僧

予家烏聊

山下因觀山石過昭慶寺見碑文一軸乃乾符七年率
土大將軍黃巢齋僧疏語言狂悖是年已改廣明而巢
猶稱乾符足見跋扈其曰捨銀六定齋一千僧大可發
笑予既憾裝池此碑者之無識又竊嘆夫世之勇為大
賊而偽為小慈者蓋不止一黃巢而已也

芍藥抽紅銳荼蘼縹緗綠長幾家蠶落紙比屋燕分梁穀

雨深春近茶煙永日香詩成懶磨墨拄杖畫苔牆
圃事亦兒嬉因成二十詩似蒙神物助堪作畫圖披南
面開書閣東偏浚墨池土功恐難極莫可且隨宜

用韻送唐師善歸九仙二首

杞菊先生誤作州歸來誰復與同遊蓑衣正可眠牛背
肉食終非相虎頭欲起黃陳分宇宙能穿草樹憇深幽
相看不用多言說須向拈花笑處求

李長庚願識荊州馬伏波今愧少遊古道直能膠鳳嘴

官身馬取爛羊頭苦心文字雕奇剗遁世林巒擅僻幽

鶴竹蜂花有家法唐瓢更向外人求

君乃翁從龍字子雲有題王氏小圃

詩云山脉鍾雲氣新晴散紫霞玉藏雲裏石金落水中沙瘦鶴依疎竹飢蜂戀落花臨池看洗硯知是右軍家

絕佳

寄題九仙俞君竹屋

竹繞屋之外屋中人定賢
夏風疑有客攪雨不妨禪
勿起青奴想母垂玉版
涎新梢添秀色長日照吟編

初夏六首

衰懶新詩少芳菲急景過來年初餅餌科斗已笙歌獨
幸閒局戶誰方遠荷戈隔墻落金彈但避勿誰何

梅熟枇杷肥山寒更衲衣饜童鋤菜去飢雀入厨飛湖
海歸來晚親朋亂後稀可容無定力事事與心違

近午初微暑侵晨尚薄寒暗牕蠶績響危棟燕泥乾問
價纖絳貴尋盟舊扇完野人言麥熟出郭好同看

茂密踰千樹深幽僅一家新蟬初蛻殼穉菊始分桺潤
氣青陰石晴光白濕沙晚涼督園叟添竹引籬瓜

牕皎日穿紙巾涼風透紗捕蟲憐鬪雀蝕菓去饒蝸腸
滑嫌灰酒脾虛已未茶暑天仍老境強飯庶無他
霹靂疑天裂霧霓劇海翻勢來能許怒事過了無痕朱
已泥櫻核青還茁韭根晚晴聽人說溪漲近城門

贈程君以忠楊君泰之併序

予歸紫陽下半年餘詩筒往來多年長或敵已
未見後生之雋程君恕以忠楊君復泰之各年
餘三十和予治圃詩來訪於斯文有悟入非忘

耘助耨者比知予初學張宛丘晚慕陳後山求
假二集觀予批注良可嘉也因賦近體二首寓
敬嘆之意云

後生可畏古云然斗大荒城得兩賢句眼端能敲一字
吟腸何啻着千年淡中滋味參須透聖處工夫語不傳
我有長明古燈在未妨三絕少陵編

程君骨骼鼎鐘古楊子精神霜月明學海一針元自正
詞場百喙不能鳴文潛雄渾開前路無己深幽助晚成

老我苦心知己解相逢差足慰平生

陳无己乃人己之已非己字

書歙縣楚明府送行詩軸

忠義

俸儘青錢少衣惟白苧簷賃樓鄰羽客買錦護梅圖
每藏高着詩曾斷幾鬚生祠誰畫得清苦一臞儒

飲天慶觀即席賦吳體

寂靜日月白雲鄉漂搖湖海厖眉郎壁間猶見畫龍在
柱表不聞歸鶴翔

為懷冲妙大師汪公季謙

杯酒新竹與同色爐熏

異花無此香索茗澆渴上馬去綠樹含雨山蒼涼

聽客話二首

一叟西郊至農談半日閒但容身少健未覺世多艱役
倚淘金免逋期獲麥還苦辛仍節儉聊得老田閒

客言亂時事可駭不堪聞田主戕兇佃民妻掠亂軍草
高城裏屋樹赭墦頭墳降盜多珍賄人傳大將分

聞盜發亡男雷孫墓

得非阿瞞黨忍作發丘郎誰實驅為賊官今視若常故
無金椀出豈有竹書藏風俗衰如此非徒痛此殤

贈相士蔡槐

腸腹自蟬龜從渠作廟犧詎應身食肉乃使世攢眉子
勿工皮相吾終欠口鑿華亭唳秋鶴今復幾人思

皮相管子

語口鑿
事坡語

次韻李允道四言

之子酒所龍蛇揮掃清風拂硯明月視藁佳思湧出傍
觀驚倒豈不有學升之曰造

惜硯中花

花擔移來錦繡叢
小牕瓶水浸春風
朝來不忍輕磨墨
落硯香粘數點紅

桐江續集卷十九

欽定四庫全書

桐江續集卷二十

元方回撰

次韻恢大山擬古三首

一曰遺榮二曰達生三曰矯俗

高不至元愷下不為庶頑木鴈有不幸霧豹藏其斑天
衢龍鳳翔萬一冀附攀未若頌我酒善閉劉伶關歲寒
昆虫蟄日暮飛鳥還小侯大者王焉識商顏山

六用甚鍛韞我非金石頑謂古有不死請看湘筠斑神

仙虛空中黃鵠高難攀月娥本無藥鬼門焉有關自能
節嗜慾即是丹九還內觀無愧心所至三神山

六度莫先慧三風尤惡頑此心朗如鏡磨盡青銅斑微
利毫髮計虛名分寸攀朝市多此人平地劒門關老夫
一丘壑轍迹無往還彼哉峴山泣况乃泣牛山

再用恢大山韻三首

一曰甘貧二曰懲忿三曰樂飲

官罷賓客散家貧僮僕頑尚有此阿堵苔錢何斑斑酒

從田父飲菓聽隣人攀四壁夜無盜焉在門常關浪作
送窮文五鬼驅復還士各行乃志慎毋賦招山

書貴有容德曰無嫉于頑鳳鳴驚其翰狸首於菟斑楚
楚夸毗子自謂高難攀焉能浼我哉冰炭何相關君欲
遂勝彼隻輪俾無還不見古戰場暴骨堆如山

往古豈可泥羣飲懲商頑我有漉酒巾糟粕常爛斑其
在易之需雲天未渠攀宴樂以俟時鷄鳴當開關醉鄉
幸有路可往不用還何能顧金錢悠然頽玉山

俳體戲書二首

擬訓諸郎業典墳浪嗔衆富醉紅裙
千金子擁三千客萬戶侯提百萬軍
帶索榮公知不羨飲瓢顏子定無聞
淵明肯仰宣明面早辦棺前自祭文

世變茫茫不可期珊瑚作婢搗黃糜
八千里有假附子二十年無生荔枝
司馬夢迷蘇小小屏山詩痛李師師
祇應骨朽心猶在倒海難湔萬古悲

感事

直道難容世深言易絕交但稱司馬好勿解子雲嘲彼
自盟黃棘吾寧藉白茅一竿至清水歸去老江郊

秋日古蘭花十首

綠葉梢頭紫粟攢離騷經裏古秋蘭時人誤喚孩兒菊
惟有詩翁解細看

可待清秋菊共芳春苗夏葉已先香握蘭故事人誰識

夙世龐眉漢署郎

此花七月結蕊中秋開至與菊同盛故曰蘭有秀兮菊有芳

遠聞香淡近聞濃紫穗絲絲吐雪茸不識幽人殢妹子

兒曹方醉木芙蓉

玉露金風喜乍涼
紫莖綠葉薦秋芳
今年最好中秋月
更著秋蘭月下香

大似斯文不遇時
無人採佩世無知
援琴與鼓猗蘭操
五百年間一退之

椒漿桂酒蕙蒸餼
學子人能誦楚騷
惟有籍蘭無識者
老夫對爾首頻搔

紉蘭為佩楚忠臣
直道從來不屈身
為報拖金鳴玉者

如君多是折腰人

雪絲鬆細紫團欒
今代無人識古蘭
本草圖經川續斷
今人誤作古蘭看

一榦一花山谷語
今蘭不是古時蘭
重陽菊畔千絲紫

隆準曾孫却解看

漢武帝蘭秀菊芳語良是

楚詞蘭有晦翁註
模寫真容本陸璣
不待花開着囊貯
紫莖綠葉可熏衣

偶讀易兌卦衍朋友之義
送歷陽廣文倪耕道應

淵

易象麗澤兌朋友以講習設官為之師義取互相益六位六爻畫分明如六人君子不可疎小人不可親初以剛居下不與四為應和兌未有疑吉士故可信二以剛居中承三其人柔孚兌內不感有吉無悔九六三柔失位其凶曰來兌來兌欲媚我妄說政可外九以剛居四六處三五間商度久乃決在惡三之姦五象師之位剛德既中正上比六見剥願勿信彼佞極說不知已引三

之柔類此道未光大正人所遐棄一令而民說變調奠
乾坤一言朋友說師道亦云尊大哉說之道惟以剛為
主師友相與間柔佞謹勿取

次韻張鵬飛三絕

舐犢區區笑老牛阿瞞焉恤一楊彪英雄誤理大床話
賣藥惟應學伯休

酒箴酒頌日夜讀後喜伯倫前子雲浪說平生三萬卷
一言無用總虛文

雪天人品最高者蓑笠江干一釣竿才有侍兒焉識此
党暉陶穀總酸寒

寄題濟南蔣氏務本堂

人生真樂在田廬幾頃膏腴幾卷書遴選友朋研簡冊
撫存僮僕課犁耜紫荊一樹永無恙丹桂五枝應有餘
孝弟儉勤植根柢時聞佳氣又充閭

久苦春寒三月三日戲作俳體

似惜殘紅未放稀佳人怯試薄羅衣桃花水漲冰猶凝

燕子泥融雪更飛老去尋芳元自懶病來吹霎不如歸
常嫌楔帖書清朗爾許奇寒可浴沂

再賦春寒

已近江南煮酒天單衣時節更重綿女郎鬪草頻呵手
老子看花剩聳肩歸燕迎風簾外語新鵝怯水岸間眠
雪如柳絮絮如雪醉眼難禁故放顛

徐遜綿題三賢祠堂詩有云士死惟留姓與名天
下第一議論也再賦二首

殷仁周壽缺圓形釋寶仙清笑乞靈何限台階隆爵位
誰堪鼎足並儀形歲寒臭味松梅竹乾象光芒日月星
野服不殊人品似年年蘋藻薦芳馨

龔宇祠堂塑像新兩朝邦伯間邦民沒身不朽緣何事
異世相知自有人梅魄鶴魂招處士松心鳳味吊累臣
宮牆數仞嚴香火似勝蕭蕭野水濱

為徐企題趙子昂所畫二馬

相馬有伯樂畫馬有伯時伯樂永已矣伯時猶見之長

林之下無茂草此馬得無半飽饑一足背樹似揩痒一足齧枯首羸垂趙子作此必有意志士失職心傷悲我思肥馬不可羈不如瘦馬劣易騎焉得生致此二足馬亦如我老且衰破鞍弊韉骨硤砢狂豪敢學幽并兒無世塵處天地闊我後子先緩轡看山時賦詩

清明日有感

想見吾兒挈我孫澆松燒笋杏花村自憐久罄青蚨索猶喜能賒綠蟻樽萬事是非雙鬢識十人兄弟一身存

春殘決合為歸計未聽啼鵲已斷魂

寄題德清周氏牡丹花臺

百品千株養牡丹遠同京洛近新安種非富貴不能種
看到子孫方是看麟脯瓊漿金鑿落蛾眉翠袖玉闌干
天香易賦難陪席政恐詩翁骨相寒

夜讀

酒醒不能寐夜起讀我書讀久良有得就枕省其愚古
人骨已朽言語留緒餘不賴燈與目何以決豕魚我心

本至明燈目焉得如所取外有資終由受處虛内外相
為賜猶彼食飲歟不有脾胃實八珍將吐諸

三月十七夜大雷雨用韻酬俞好問四首

徹夜無眠直到明擬春晴又不春晴酒材劣致平原督
花事愁聞望帝聲病體慣經寒熱證倦途渾忘短長程
五年浩蕩江湖夢猶喜相逢得友生

惡風夜洶疾雷頻稍卧還興起倒身政復花時如此雨
誰知我輩本無春破衣垢膩瘡饒癢短被斜欹脚倦伸

捱耐天明招敢叟能來破悶賴斯人

薄有鹽醯肺竹孫夜寒城郭似荒村遠更已覺踰三鼓
獨酌無聊罄一樽此道粗聞元自少衆人欲殺幸猶存
盲風恠雨青燈暗莊蝶難憑入夢魂

倦眠書硯付埃氛煙盡當窓一篆雲點鼠誰令如鬼物
癡猫吾欲與彈文雨餘自揣新慙絕客裏尤怜僕廝勤
花盡春殘不須惜好謀歸棹趁南薰

同劉仲鼎全君玉飲徐子英家分韻得鷄字

詰曲盤桓手共携暮歸了不記東西初筵秩秩談無底
厦屋渠渠醉似泥老貌白頭愧青鬢豪吟野鷺雜家鷄
相看一笑消長日未信人間物易齊

寄張鵬飛浙東

政是清和四月天馬頭無數好山川千花菓熟黃鶯樹
百穀秧深白鷺田漢傳風霜驅使節越溪冰玉劈吟牋
四州士友相吟送應羨風標似謫仙

壽昌鄭生入天目山禮僧

欲作空門補處人如何頭上裹頭巾曹溪一夜傳衣鉢
元是當年行者身

題李伯時赤腳仙

浣

可是驢蹄復馬蹄忍將玉雪汚汙泥世情巖險君知否
滿地人間鐵蒺藜

題來將軍拈蒼筤送行詩卷

送來將軍詩卷軸如大屋柱矣惟王文璧一裘
猶是來時服一句佳又潘鎮古詩中有數句佳

嚴禁序叙事頗有抑揚夫選詩文於數百人之
中二三人中選耳今巡檢官亦不啻數百千人
吾來將軍一人中予選耳歌以贈之曰

將軍從元戎六年守襄陽大小百餘戰裂衣裹金瘡相
逢說往事鬚髯猶奮張歲晚不得志巡邏分窮鄉窮鄉
民不多詩書間耕桑古不識兵火承平異邊方一朝六
鼇抃罅隙疎隄防有盜黠如鼠有吏貪如狼將軍手拊
摩不忍斧斫傷一語對曲直冷泉解沸湯去着來時袍

蕭然無裝囊但有送行詩至今猶珍藏壯士困資格逆
旅慳齋糧况又頗抱病新添滿頤霜萬人為翰墨無一
曹思王萬人握干戈無一關雲長幸而一有之時論紛
臧倉恨不釃斗酒與公歌慨慷將軍未五十意氣摩穹
蒼春鴻定決起天驥終高驤

送李震鶴田姪就題其詩集

駟馬未多疏受去竹林且擬阮咸遊想見天風鶴鳴和
月臨蕙帳夜山秋

又題畫赤脚仙

萬古天冠地屨身畫師遊戲恐非真父生師教成何事
甘作蓬頭跣足人

寄同年宗兄桐江府判去言五首

聯翩同掛別闌名尚得秋崖病體輕三十四年如一瞬

夢中時見老先生

壬戌三月十七日秋崖仙去月初
榜過祁門秋崖病中猶為之喜

秋崖猶子蛟峯弟同榜三人老弟兄君玉中嘗辭直指

去言晚乃佐專城

竹溪先倅興國軍蛟峯弟逢振字
君玉同此榜嘗為浙西察僉不就

不識康廬真刺史可憐德祐假平章木綿老鬼死遺臭

萬古秋崖姓字香

荆閬蕪湖廣餉於江東無預也秋崖知南康軍撻湖廣綱稍之據郡閭者

似道奏劾兩易知邵武軍太甚矣然秋崖詆似道亦不少恕當時有秋崖秋壑兩般秋之譏今以賈平章為假平章其實似道豈真宰相哉

子陵灘上一詩翁七十四年雙耳聾第一老窮吟第一

一樽時與酌江風

趙與東字賓賜丙辰進士改官知縣此邦詩人第一

好山多處說嚴陵官事閒時定一登野寺豈無僧十百

愛僧須是愛詩僧

謂南山川無竭

贈牟仲啓

存齋尚書之曾孫獻之提刑孫

存齋尚書曾大父勇退不肯登二府脫靴亭記斥巨闥

風節文章照千古

存齋出守當塗為脫靴亭記借高力士以斥董宋臣也丁大全之徒為闥

宦闕

筭郡計賈入相召用至尚書覺其言差池即引去以端明告老

雌甲偶同君乃祖

早衣綉衣持漢斧飲茗溪水二十年杜門不出守環堵

老眼青此名家孫妙齡謹恪寡語言試文合應進士格

馳澤宜霑任子思時異數竒以藝隱粉墨丹青窮討論

建章宮可一尺紙刻畫萬戶雕千門東坡先生萬卷腹

顏筋柳骨寓枯木我嘗竊評文與可所寫是詩不是竹
後生可畏但勉旃矧爾文獻亦西蜀讀書少着十年工
落筆定無一點俗紫陽山下虛谷翁懸知萬古皆虛空
虛翁之心卧我谷夜嘯山月朝吟風請君為我畫此意
三間茅屋深雲中我詩或足傳不朽與君姓字俱無窮
為徐企題李伯時馬

畫馬形體真書也尾鬣行書也此畫真李龍眠
當觀其風入四蹄之妙蘇黃元祐時詩盡之矣

方回勉為贅語

此畫良真李伯時形容飛動卒難詩但將元祐蘇黃作
開卷焚香朗誦之

題錦織回文圖

纚笄宵衣古士婦服高髻雲鬟叔季之俗繁是丹青間
以冠髻孰為主婦果蘇蕙耶

次韻徐子英讀予所抄趙章泉詩

陳隋餘習尚塵飛可乏詩壇白羽揮凡物晚成華者實

如吾素論是耶非三生不墮揚州夢一笑應知佛祖機
苦學若人亦餘事真源向上更深微

上饒周君夢至梅花洞吟曰我家本住梅花洞一
陣風來一陣香為賦長句

帝敕王家專管竹子猷高風誰可續西州間生文與可
後來特判簞簞谷帝敕陶家專管菊千載淵明一影獨
分司旁出可無人醉插齊山容杜牧梅花天下第一花
天下好詩翰林家孤山山下清淺水疎影年年橫復斜

水中漉影出此句美玉鑿石金淘沙至今和靖一丘壑
敢有代者需齊瓜乾坤故異醢雞甕元來別有梅花洞
玉堂不隔蓬與弱自是世人肉身重周郎妙年有仙骨
月夜往來跨鸞鳳自言家住梅洞中怕泄天機稱是夢
芙蓉城主傳石丁洞天是處花冥冥蓮花博士薇花郎
玉階除拜時告廷世間善賦梅花者定皆梅洞諸仙靈
梅洞梅洞果何在七十萬里天常青

贈善畫龍虎吳伯原雜言

荀氏八龍慈明無雙豈有頭與角可以模形容賈氏三
虎偉節最怒豈有毛與皮可以析毫縷古人畫馬非畫
馬借此繪寫英雄姿東方角龍西奎虎天有之人亦有
之善書畫意不畫像妙在託興如聲詩點晴飛去果有
許烈裔顧凱亦未奇卧龍未飛睡虎不吼一飛鱗蟲附
之皆上升一吼百獸聞之悉竄走人見此圖指點爪牙
然不然我得此圖屈伸語默觀聖賢

乙未生日二首

南北間關萬死身今年六十九年人偶容有酒仍容健
不嘆無官肯嘆貧遣禮送詩煩故舊借樓市饌請比隣
還聞共說虛翁壽似陸嚴州過八旬

先君四府判謫死
嶺南回三周四歲

同生母歸鄉故有第一句陸放翁守
嚴州年八十五乃卒故有第八句

虛叟慙非飲八仙舉杯屬客每陶然重逢今日初生日
預筭明年致仕年元亮有兒聊慰意斛斯為話且隨緣
老衰不競黃陳律前日詩如白樂天

偶讀戲書

萬物乾坤判女男始終玄理要精探九還七返無成說
一守三存亦浪談未必陽神正解出可憐癡計謾多貪
誰能喚起梅花夢生死何為十有三

真定路教授鹿泉李君丁亥五月十二日巳時生
紫陽虛叟方回丁亥五月十一日巳時生相遇旅
邸同登酒樓各出新詩遂成老友

邂逅相逢兩禿翁亥年巳月巳時同偶先一日敢爭長
各及七旬俱固窮塵世誰能吟鬢白少年莫笑醉顏紅

累朝南北興亡事合徵公為太史公

乙未六月大暑

平分天四序最苦是炎蒸在我須無欲於斯患不能又
應當閔雨誰識始藏冰人力回元造生生實所憑

秋後漸涼

樓東清曉起參旗火伏三金喜應期車馬塵中猶苦熱
故山已是早涼時

贈呂肖卿三首

呂武忠第十一子師說戊辰生
年二十八飽學失怙時一歲耳

雖未登三十知君已幾年先師斧脩月名父柱擎天失
怙初周睟耽吟早極玄孤身能自立萬卷絕芸編

千萬人叢裏應難一一尋政須真具眼始可與關心匠
手斤忘堊禪機芥遇針絕絃吾欲理忽復有知音

知己身俱老逢君淚欲傾不時思令舅無可報難兄溢
浦稀魚素陽山杳鴈程平安只消息聊此慰羈情

次韻呂肖卿講學三首

平生但力田豈計不逢年吾道桴浮海斯文筆補天早

能丹點鐵曾用白嘲玄萬慮今亡矣焚香易一編
玄珠在掌握一失永難尋豈不求成道誰其辦苦心待
時花結果着力杵磨針何幸忘年去能鳴治世音
忽復機鋒對真堪底裏傾果能成伏老時許喚殷兄可
惜茲逢晚相期不計程受恩凡兩世焉敢恕無情

寄題休寧趙氏

彌忠

雲屋省心翠侍問道亭有有

堂五首

不品官班但品人深雲藏屋屋藏身就中別有難藏者

名震京師鄭子真

心屬何人省者誰自家主宰自家知從來此地惺惺處
不要醫工用藥醫

青疎老瘦碧孱顏杳杳深深萬翠間侍坐侍行仍侍立
雪松霜竹雨餘山

三义路口駐車輪莫訝知津更問津何限出門向西笑
忙行不似慢行人

貫朽青錢粟腐紅何如心不愧天公一方寸裏無餘物

却笑教倉武庫窮

贈方太初三首

併序

秋崖吏部知郡宗伯老先生僊去三十四年乃
姪建德府判竹溪字去言與回同壬戌榜少回
四歲今夏禮任一拜而卒從弟叔元字太初來
杭有詩見贈次韻奉答新安南渡以來歛郡吾
宗之登科者七人於太初寓獲麟之感云

秋崖宗老在餘子眇鄉原奎壁懸文宿嵩衡鎮厚坤求

田饒許汜叱馭笑王尊賢與愚俱盡天難問九門

秋崖僊去久猶有竹溪君合草金鑾詔頻驚鐵馬羣川
遙魚素斷風急鴈行分賀忽翻為弔傷心寄此文

秋崖元不死夢寐想儀刑縱使長松倒終殊衆草零羣

兒奪朱紫之子出藍青可惜科場廢難徵筆硯靈

南渡後歛

州方氏擢第者七人諱有開淮西運使諱恬乾道庚戌
省試第一人號鑑堂先生有與論行世諱移忠乾道已
丑別院省試第二人遂昌丞先君諱琢字元章嘉定甲
戌袁甫上舍宗伯諱岳字巨山紹定已丑別院省試第
七人知郡吏部郎官號秋崖先生回與府判竹溪君
貢孫字去言景定壬戌別省回忝冒第一人甲科

追懷秋崖吏部知郡宗伯

崖僊終牖下壑鬼死漳南人品誰今識朝端汝豈堪杞
崩溶子口絲殛木綿庵猶憶弄權日湖山極宴酣

閩中鄭君炎南仲兩魁鄉賦比自嘗教為昌化簿
三山鵠袍十萬衆兩紀知名鄭南仲妙年官賦甲秋闈
一發輒中仍再中豈知天地大變草原夫八韻竟無用
雖然改爾亦得力斗南斗北聲價關黃金臺降中書勅
水晶宮請博士俸得人豈必泥古法省場舍選出鄉貢

儒風未盡棄端章學徒尚多習弦誦但苦官冷飯不足
三載誑腹藿百甕終更受代頗已久始聞巨軸以詩送
定是弟子多賢才吳興先生實梁棟即今佐邑號為簿
尹丞不殊權任重況乃唐昌風俗淳山深歲稔少爭訟
丈夫詎皆作卿相一命關係民疾痛偏見私意勿力競
潛轉密移但微諷方冊頻窺身儘貧苞苴不納心奚恐
崇卑有無置度外時一極目天宇空江東接壤異西浙
桑蠶春忙田晚種樽俎盤饌極儉嗇無大牲臠及乳湏

吾聞易叅識時義未妨枳棘棲鸞鳳聊復亦耳磨歲月
慎勿輕為棺糞夢

贈筆工馮應科

世言善書不擇筆此物豈可不精擇空弓難責養由射
快劍始堪孟賁擊多錢而賈長袖舞工良器利貴相得
文房四寶擬四賢最不易致管城伯乍可微鈍勿太尖
又恐過肥寧少瘠一兔僅足成一枚奈何擣束動觶觶
毳毛亂毳紛交加醉人蓬首髮不櫛落腕當如畫鐵椎

顧乃萋弱欠筋力山谷道人昔有取諸葛鷄距異棗核
長句哦贈林為之餘子徐偃似無骨上黨華陵君家孫
苦心隱藝造玄極買非其人拂袖行但取賞音不論直
二毫三副及散卓隨意真行作波磔燕丹匕首付荆卿
血不濡縷笑空擿紫鸚鵡眼刷絲文誰無端石與歛石
奚李法傳外諸孫我亦尚有潘衡墨擣冰槌玉烏絲欄
百軸千筒動充斥惟有毛錐真強項不受折簡屢太息
善書今誰第一人馮應科筆今第一

雜書五首

鼻涕垂頤銀竹凍腦脂遮眼黑花飛此身尚覺非吾有
焉問人間萬事非

卜世周家謂過之從來歷數亦難知豈期河洛亡三翮
音不比房心續續微

細修佳傳酬知己曲就微生賴若人一點報恩心獨在
時時常見夢中身

一毫不敢昧蒼天生世明年七十年自恨肉身無報答

日常飽飯夜安眠

饒君道緊日千篇未辨驪珠出九淵欲詣彭城陳正字
須參南嶽趙章泉

哭川無竭禪師二首

併序

八月初九日嚴州南山寺主如川無竭禪師寄
書令題其像十九日卒年七十五日茶毗
初三日二僧來以遺書見寄

師令題畫像圓寂十朝前拙句應曾見微病竟不痊笑

談猶可想偈頌揔堪傳
千柱攢金碧辛勤二十年
幾登瀟灑閣共坐聽松風
異骨癯僧健多魔老守窮
是身終有死何物不成空
豈料龍鍾老題詩先哭公

再哭無竭禪師

倒撐無底船和尚撐上西天
是世尊萬壑啼猿如下淚
一江明月與招魂涅槃滿證
無生果解脫深參阿字門
却笑孤山人未遠浪歌身異
性長存

次韻九月十七日飲陸君用見山堂

鳳凰山下隱君廬
水竹寬閒十畝餘
稚子已能題砌葉
飲徒時許共畦蔬
杜同谷怨長鑱柄
馬伏波思下澤車
何似此公一丘壑
潛心逸興酉陽書

九月二十五書事二首

蒼顏未怯冷風吹
過了殘秋更自奇
細嚼菊花吞美酒
閒拈柿葉寫新詩
繫誰屢賀參元火
與客仍消李遠基
七十餘齡能有幾
開懷切勿皺愁眉

九月初六日客報吾州初一日大火城中俱盡吾

家亦盡七八九報皆然初十日始報吾家幸免拆
毀屋十餘間二十五日得王山長國傑親家書始
知僅存州治州倉州學書院吾家免焚餘所免
不過數十家

生死由來一念間回頭不落鬼門關細思上策莫如醉
稍據要津焉得閒婢僕凍餓猶戀主兒童婚嫁合還山
一窮惹起無窮事獨樂吾惟學巷顏

于氏琵琶行

君不見木蘭女郎代戍邊鐵甲卧起二十年不知誰作
古樂府至今流傳木蘭篇又不見公孫大娘舞劍器揮
霍低昂動天地我杜少陵有長歌每一讀之生壯氣漢
時昭君顏如花強令出塞禁風沙馬上無以寫愁思推
手為琵琶却手琵琶昭君死作青冢土琵琶却傳來漢家一
絃一字萬怨恨始聽歡樂終咨嗟燕代佳人有于氏春
日黃鶯韻桃李齒犀微露朱砂唇手蕙緩轉青葱指聲
外調聲非桿撥意中寫意自宮徵曲闌歌罷或潛然何

能動人一至此有時不用琵琶歌辯如儀秦勇賁軻武
昌東西說赤壁洙泗南北誇黃河一炬一失百萬却古
今勝敗何其多拔山蓋世亦淚下騅兮虞兮柰若何老
夫嗜好無它癖為爾看朱幾成碧白髮多情似樂天衫
袖江州司馬濕前身不是木蘭舊女郎今生恐是公孫
真大娘哦此琵琶敲詩腸爾或因之姓名香

讀孟信州和方亨道六月雨時當雪天改為欲作
雪先作雨次韻

欲作雪先作雨十月墜戶入室處東作豐登未可期南
方瘴癘已堪禦去年雪不及臘間霜天桃杏數紅顏今

年夏竟無冰賣富屋錢謾堆如山秋來數郡融風烈

池嚴

歲溫皆
大火

萬舍煙灰千屋拆驕陽失性化為霖鞭蛟答龍

精髓竭救火救水不少閒民生下土何其難此時早降
六花瑞時寒休微猶可還鴈低樓外彤雲起萬里北風
開爽氣雨聲一變為霰聲霰效前驅雪踵至古稱民以
食為天天欲飽民殊易然但恐變理無真賢果能變理

得真賢豈不一白二白三白年年當有年

次韻徐子英江樓二首

虛器浮名蜃結樓
潮痕才落水添舟
醫工藥不關生死
詹尹著寧究咎休
華蓋天臨批鳳詔
長楊日侍射熊侯
是人有命皆能致
終許難憑智力求

娛老曾微燕子樓
謀生又欠木奴洲
不無造物司行止
豈與齊民繫戚休
幸際乾龍亨庶物
故希晉馬錫康侯
妙齡今日如公等
聲氣方當叶應求

次韻夾谷子括吳山晚眺

詩眼書眉碧宙寬
暮天搖落縱遐觀
霜明楓葉紅於染
春點梅梢玉不寒
北望遙迎書鴈至
南烹屢饜鱸魚殘
一規明月懸江海
幾許人家夜枕安

再次韻

鵲飛欲沒海天寬
萬動盈虛靜處觀
一畫微陽迎日至
九疇休徵驗時寒
世間劫火灰何限
物外仙碁局未殘
好與蒼生司性命
五風十雨報平安

三次韻


落木蕭蕭澤國寬，偶舒巖嘯縱川觀。
六鼇海濶征帆遠，萬象天低步履寒。
旅泊餘生簞食菲，宦遊舊味甕虀殘。
達人不少墮牛山，淚何待將心與汝安。

次韻俞如問旅思送之遊松江

芟製荷紉未絮衣，溪舡信宿自堪歸。
倚門尚爾嗟行役，抱甕元來久息機。
江濶天遙鴻鴈斷，日斜歲暮稻粱稀。
芋爐有地煨風雪，骨肉團圞藥夜共圍。

再六次韻徐子英江樓

最愁人處最高樓
空望三神想十洲
大藥不靈從老病
把茅猶在盍歸休
許追竹士陪梅友
肯羨蜂王慕蝶侯
曾點當時未舍瑟
誰知心地異由求



桐江續集卷二十